

Na osnovu člana 32. Zakona o javnim nabavkama ("Službeni glasnik BiH" broj: 39/14), a nakon provedenog otvorenog postupka nabavke roba: „**Nabavka frekventnih pretvarača**“ – tender br. 61/19 (predmetna nabavka je planirana pod rednim brojem 93. u Planu nabavki za 2019 god.), zaključuje se:

OKVIRNI SPORAZUM

Između:

1. KJKP "Vodovod i Kanalizacija" d.o.o. Sarajevo, ul. Jaroslava Černija broj 8., Sarajevo (u daljem tekstu: ugovorni organ), koga zastupa v.d.direktor Enver Hadžiahmetović, dipl. ing. maš.

i

2. EMTeletroinžinjeri d.o.o. Sarajevo, ul.Semberska br.35, 76100 Brčko (u daljem tekstu: ponuđač), koga zastupa direktor Siniša Dabić.

Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke roba: „**Nabavka frekventnih pretvarača**“ za koje je proveden otvoreni postupak nabavke.

Na osnovu ovog okvirnog sporazuma ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog okvirnog sporazuma odnosno nabavku čija finansijska vrijednost odnosno period trajanja maksimalno može biti do iznosa i perioda utvrđenog u članu 3. i članu 4. ovog sporazuma, a što će zavisiti od potreba i interesa ugovornog organa.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

Član 2.

Okvirni sporazum se zaključuje sa ponuđačem čija ponuda je izabrana kao najpovoljnija u otvorenom postupku nabavke broj: **61/19**, objavljenom na Portalu javnih nabavki obavještenje o nabavci broj 247-1-1-74-3-151/19 od 13.05.2019 godine.

Član 3.

Ukupna vrijednost ovog okvirnog sporazuma bez uključenog poreza na dodanu vrijednost iznosi: 129.218,12 KM (slovima: stotinudvadesetdevethiljadadvijestotineosamnest 12/100 KM).

Član 4.

Okvirni sporazum se zaključuje za period od 12 mjeseci od dana zaključivanja okvirnog sporazuma.

Član 5.

Robe koje su predmet okvirnog sporazuma su specificirane prema vrsti, količini i jediničnim cijenama u ponudi ponuđača broj: 0379-S/19 od 03.06.2019. godine koja je sastavni dio okvirnog sporazuma.

Član 6.

Odredbe ovog okvirnog sporazuma ne mogu se mijenjati nakon njegovog zaključenja.

Član 7.

Ovaj okvirni sporazum primjenjuje se sa danom potpisivanja obje ugovorne strane

Član 8.

Sve eventualne sporove ugovorne strane će rješavati mirnim putem, a ako u tome ne uspiju, nadležan je sud u Sarajevu.

Član 9.

Obavještenje o dodjeli okvirnog sporazuma će se objaviti na Portalu javnih nabavki.

Član 10.

Okvirni sporazum sačinjen je u 6 primjeraka, od kojih svaka ugovorna strana zadržava po 3 primjerka.

Ponudač:


Ugovorni organ:

**v.d. Izvršni direktor
za vodovodni sistem**



Aida Pendek, dipl.ing.grad.

Direktor



Siniša Dabić

Broj: 159/19

Datum: 12.08.2019



v.d.Direktor



Enver Hadžiahmetović, dipl. ing. maš.

Broj: 427/19

Datum: 29.07.2019

